

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. II. Proponuntur caussae naturales & internae scrupulorum, eorumque
ortus & varietas.

urn:nbn:de:hbz:466:1-11367

rumque innocentissimæ vitæ sint qui tam molesto morbo cruciantur; neque aliunde quidquam peccent, nisi quod de salute animæ, honestique ratione in omnibus obseruandâ, haud parum plus quam oportet aut exigitur, imprudenter sint solliciti. Neque tamen ægritudinem hanc, animi, inquam, ad virtutem aspirantis tantam defatigationem obuenire, Deo permittente & amicorum suorum molestias dissimilante, quisq; à miretur. Habet sanè facti sui rationes Deus, quas non difficile admodum erit conjicere. Sic & familiarium sibi, sanctissimorumque hominum corpora, patitur cum grauissimis morbis, doloribusque confundari; sic & à Dæmonibus nonnumquam penitus corripi, vt in energumenis est manifestum. Quid ergo mirandum est, vbi totum corpus possideri à malo Dæmon e patitur Deus, etiam eum quandoque permettere, vt pars aliqua cerebri, vti in scrupulis sit sæpiissime, à Diabolo infestetur? Hocce sit in scrupulis inquietus? sit profectò, vt mox dicam.

Videamus itaque an tanto malo parabilis non sit medicina. Et vt ordine bono procedat res, istud indagandum est primo, quæ morbi tam importuni cauſa sit, & quæ tandem sint criteria aut signa, per quæ, an quis eo correptus sit, liquidò possit discerni.

Proponuntur cauſæ naturales & interne scrupulorum, eorumque ortus & varietas.

10. **D**uo sunt capita, ad quæ omnis scrupulorum featurigo facile reducitur. Aliquando enim extrinsecus allabuntur, aut etiam imprimuntur vi: aliquando autem ex ipsomet homine pululant, & featurunt quasi ex fonte interno & domestico. De hoc, primo loco agendum est. Istud enim apud Theologos, & verò etiam experientia passim constat, ex ipsâ corporis, cerebri, sanguinisque temperie scrupulos enasci sæpiissimè; aut si exinde nati non fuerint, facilius tamen arripi, altioresque radices agere, prout varia fuerit humorum temperies, cerebrique constitutio.

supra

D d. 2

II. Et

A Deo permutantur optimi eius amici scrupulis diezari.

*Scrupuli o-
riniusur
primò ex
humore
melancho-
lico,*

*sui sapè
superbia
immiscetur.*

Et primò quidem satis constat, melancholicum humorem scrupulis generandis fundum præbere fertilissimum, hisque fo- uendis materiam aptissimam subministrare. Nam ut passim melancholici ingenio acuti sunt, genio suspicaces, & rerum quas apprehenderint imprimis tenaces: hinc in omnem mali suspicionem sunt projecti; rationes etiam minimas volunt perscrutari, & non facile patiuntur sibi ab aliis satisfieri; neque vero etiam ratiocinationibus ipsimet suis acquiescunt. Cum autem tenacissimæ præterea sint phantasie, quidquid eā apprehenderint, quasi manu constrictâ retinent, nec id aut elabi, aut vi rationibusque extorqueri sibi facile patiuntur.

Pœnitet me ferè hæc protulisse. Timeo enim ne quidam for-
tasse, ingeniosos esse homines qui scrupulis agitantur dum in-
tellexerint, prout non parum arrogantiæ scrupulis nonnum-
quam immiscetur, scrupulosos sese confessim sint jactaturi, vt
ingeniosi & acuti hominis venentur famam. Prout cuidam con-
tigit; qui cum hemicranii dolores, ingenii præacuti signum
esse euidens, inaudisset, proximo mox die intolerandum sese
hemicranii pati intemperiem, apud obuium quemque magno ge-
mitu deplorabat. Neque tamen rogatus quā parte capitis dolor
ingrauesceret, satis cautè poterat discernere, quam plagam ca-
pitis hemicranii dolor soleat occupare, anticam an posticam, an
vero quæ tempora circumstant dextram aut sinistram. Risum
omnibus mouit affectata ingenii fama, & intempestiuæ arrogan-
tiæ prætensus capitum inanis dolor. Ita credo, imò scio nonnum-
quā fieri, vt nonnulli nescio quam ingenii captantes famam,
opinionibus suis plus æquo mordicus adhærent, sanè consulentium rationibus intercedant. Importunum profectò ho-
minum genus, nec facile quod sit curatu. Scrupulis enim
gaudent insistere, modò sibi aliisque videantur ingeniosi &
acuti.

*Melancholi-
ci perma-
ces & scri-
pulorum
admodum
tenaces.*

Verū si recte attenderint, non id dixi, scrupulis ideo tantum
melancholicos præ aliis patere, quod perspicaci sint ingenio; nam
& sanguineis sua non deest perspicacitas; sed quod ingeniosi cum
sint, etiam sint suspicaces & judicii tenaces admodum. Nam cum
melancholicus humor, terreus planè sit & viscosus; hinc sit ut phā-
tasmatia, quæ in cerebri ventriculo, quasi rerum sigilla, huic hu-
mori imprimuntur, illi insculpantur viuaciùs, tenaciùs inhærent;

neque



neque facile obliterentur aut dissoluantur. Hæc verò phantasmatum pertinaciter imaginatio potentia obversentur, hinc sit ut si scrupulos, falsarum rationum imagines melancholicus humor apprehenderit, iis etiam pertinaciter inhæreat hominis melancholici turbata mens; nec à semel concepto phantasmate sele patitur amoueri.

14. Atque hęc demum ratio est, cur melancholicum istud acutum Melacholias fere circa rem vnam sunt scrupulos, que hominum genus, non tam vario scrupulorum genere, quam aut uno aut altero ferè diuexetur. Vni enim phantasmati, & quidem ob viscositatem humoris cui impressum est, admodum lento & pertinaci, cum inhæreat, illudque ferè semper ante oculos obserret, non libet ad alia phantasmatum mentem aduertere, uno hōc quod semper præsens est, plus nimio occupatam.

15. Istud tamen etiam fatendum est, longè grauiores tetroresque esse melancholicorum scrupulos. Cūm enim humori atro & fuliginoso impressa sint rerum simulacula quæ phantasie dominantur, hinc etiam maiorem sui metum iniiciunt. Tetroremque speciem sui dum ingerunt, omnia etiam supra verum extollunt; & quæ metuenda minime sunt, faciunt esse horrifica. Sic sanè si nullum nisi nigrum colorem Angelo depingendo admoveas, speciem inanem planè & dæmoni non absimilem pinxeris, horrendamque imaginem exhibueris Angeli oppido placidi & aq mœni.

16. Pluribus magisque diuersis, quamvis non tam pertinacibus scrupulis patet phlegmatica, pituitosa & aqua sanguinis in humano corpore temperies. Atque hæc est altera scrupulorum origo, aut potius ager scrupulis excipiendis iisque educandis perquam commodus. Et ratiō quidem in promptu est, eaque duplicit ex capite.

17. Primò enim istud satis constat, phlegmaticos aqueosque homines, naturæ frigidioris cùm sint, timori, & pusillanimitati plerumque magis esse obnoxios. Cūm enim sanguis torpidior est & fæculentior, non tam aptum aut cordi aut cerebro alimentum sappeditat, ex quo eliquentur priores illi acutioresque spiritus, qui nervis vires, organis vivacitatem suamque membris omnibus acrimoniam præsent; vnde tamen omnis existit & in agendo vis, & in aggrediendo audacia. Lenti verò cùm sunt spiritus, & porrò frigidi, constringitur cor, & ad primam mali spe

ciem despondetur animis, totaque corporis symmetria, si non euertitur, saltem lente scit. Timidi sunt itaque phlegmatici naturae ingenitae temperie; & quia timidi, facile timenda sibi fingunt, & minimam etiam terrentur horridi specie. Araneam si conspicunt, aut murem, aut felem luridiorem, illicet contemnunt, non secus acsi spectro infestarentur diabolico. Si nox ingruerit, ad minimum exhorreant fenestræ strepitum, aut venti sibilum: ex inferis adesse genium suspicantur, ac denique iis commouentur serio, quæ aliis cierent risum. In hos autem si incurvant scutupuli, aut peccatorum umbratica simulacra, tum verò videtas haec ab iis, ut potè timidis, facilius apprehendi, constringi etiam fortius, foueri pestinaciùs, totaque mente imo & corpore eos vehementius trepidare, quam res obiecta aut ratio postulat.

Deinde quia humor ille species rerum exterat, & euertit.

Secundò, istud etiam, praeter timorem, vitii secum fert, is qui corpori prædominatur humor aqueus & plegmaticus; quod species rerum ad phantasiam allabentes, plurimum alteret, in peius deflectat, supra verum extollat, & non raro etiam penitus euertat. Hinc res non apparent prout sunt, sed foediores & disformiores, prout eas humor tertior ad phantasiam euntes inficerit. Id quidem intelligere est per facile, si ad ea quæ oculis percipimus, mentem aduertimus. Solem aspice, & si nubes densior, species à Sole defluentes inficerit ac refregerit; tum & candorem amitteret Sol illicet, & solitam quam in oculi retinâ occupabat magnitudinem. Hinc est quod in ortu & in occasu, cum plurimæ horizontem oberrant fuligines, & longè quam in meridie Sol maior appareat, & colore ultra quam patet rubicundior, colorem variant in nube infectæ species: magnitudinem superaddunt refractæ. Vtrumque tamen falsò, & mero nubis virtus. Non minus familiare est hoc quod subiecto experimentum. Atrium plenum fumo sit, qui è lignis cariosis excitatur, aut ut experientia magis ad manum sit, ex sulphure. Videbis illicet circumstantium vultus pallido luridoque colore suffusos; quinimo, quod visu est tertius, gracili & oblongâ figurâ foedissime extendi. Quod quidem longè fiet evidenter, cum aspicientis oculi, acrimoniâ fumi, incipient intumescere & in lachrymas ire; tum enim circumstantium ora, spectra videbuntur & monstrâ, quantumcumque ea natius decor optimaque symmetria commendata.

E b d.



mendabat. Vitiæ sunt nimis tinctæque sulfureo sumo rerum species; & aqueo qui oculos suffundit humorè penitus fractæ & alteratae, tam enorim inducunt rebus, etiam speciosissimis, varietatem.

19. Simili fere modo, in cerebri ventriculis alterantur species phantasmatum, & in alienam prorsus abeunt formam, quibus cerebrum pituitosum est, & phlegmaticis vaporibus plus nimio occupatum. Id quidem, quantumcumque vana dicantur, somnia nos clare docent, & non ex vano. Confusiora & magis distorta, atque ideo magis horrifica sunt, quæ cum somnus propè medium cursum obtinuit, phantasie occurunt, quam ea quæ sub auro-ram orchesram subeunt, partesque suas agere incipiunt, cum somnus in deuexo est, & propè metas tenet. Tunc enim morā longā decocti ferè sunt & defæcati vapores, quos stomachus, cerebro alimento daturus, per noctem submisericordia; qui pauculis ante horis, crassiores cum essent & magis densi, in turbines agitati, totum cerebri inuoluebant atrium. Hos autem vapores & fulgines necessariò penetrare cum debeant corporeæ rerum species, quæ ad phantasiam deuolutæ somnia instituunt; necessariò etiam, leuissimæ cum sint, dum in hos vapores impingunt, distorquentur, trepidant, vacillant, abeunt, redeunt, ut manifestum sit in aquâ, quæ in gyros agitur, vultum suum intuenti. Quam verò distorta, & quam à se diuersa appetit species à turbato fonte repercussa? Sic sane & in somniis fit, præsertim nocturnis. Matutina enim ob vaporum tenuitatem, & æquabilitatem partium, rebus quas exprimunt magis sunt conformia, ac proinde minus terrifica. Nocturna verò, non res integras protulunt sed modò hanc, modò aliam partem exprimunt. Et si homo in phantasie scenam est producendus, modò caput prodit, modò pedes, modò pectus, modò distortum os, modò oculi oblongi & desultorii, prout species vaporibus infringuntur; & sic non jam hominis, sed monstri figura & quidem horrifici representatur; adè tamen implexa, ut sanum de re visum judicium ferre non possit.

20. Patet igitur nunc liquidò, quid causæ sit cur phlegmatici, horribilibus rerum simulachris turbulentur tam de facili. Vaporibus enim & quidem densis admodum confertum cerebrum circumgestitant, quibus sinceræ rerum species alterantur. Jam verò cùm,

*Explicatur
quomo do
physicè id
fiat.*

*Somnia
que circa
medium
noctem cl-
tingunt,
horribilio-
ra sunt ple-
rumque
quam ma-
tutina.*

cum; ut antè dixi; homines hi sint naturā admodūm timidi; numquād timor illos corripit, quin vapores tetri cerebrum subeant, illud turbent, ac timoris causam, quæcumque ea demum fuerit, longè supra verum exagerent.

Timidus & serupulōsus fugit sibi timores ubinō sunt.

Quid quod & timores sibi singunt, vbi omnia tuta sunt? Hoc sanè timido proprium est & serupuloſo. Sic quibus glis horrore est aut nigra felis, si forte sub mensam aut secretiori in angulo panni nigri frustulum videant, aut exusta chartæ furiles corrugatasque reliquias, illico felem vident, aut glirem, præsertim si nox concubia, aut loci solitudo metum augeat. Tum sanè quod facetum est maximè, totam ex certis combustæ chartæ lineamentis sibi depingunt gliris speciem & figuram; isthic caput, isthic auriculas, isthic pedes, isthic si placet caudam bene longam sibi formant. Quinimò, vt metu, in timido agitantur, omnes, non tantum corporis artus reliqui, sed & cerebri in quibus hæ species formantur ventriculi, ita & species ipsæ falsi gliris mouentur cum cerebro & assiliunt; idque tam clarè & viuaciter, vt glirem ipsum in angulo sibi visum esse, ambulare, & subsilire, juramento etiam deposito, ausi sint quidam ex hoc hominum genere affirmare, cum tamen non esset quidquam nisi combusta charta.

Exponitur modus sibi singendi timores ex Aristotele.

Quid agas hisce hominibus? timidorum hæ sunt figmenta, & vigilantium insomniæ. Quod enim Poëta recte de vnâ animi affectione dixit. *Nescis, an qui amant ipsi sibi somnia singint;* Virgil. non amori tantum sed & Timori præclare conuenit. Figmenta sibi obtrudit timidus, & in somniis sese decipit, etiam cum vigiliat. Perbellè rem hanc disputat & expōnit Aristoteles, quam etiam eius verbis dilucidis, exponere erit opera præmium non pœnitendum. *Quando, inquit, jam in passionibus existimus, facile decipimur circa sensus. Et qui est in passione timoris, etiam à modicâ similitudine videtur sibi hostes videre;* Aristot. I. de soma. c. 2. *Et qui est in amore, videtur sibi videre dilectam. Et tanto facilius quisque decipitur, quanto in huiusmodi passionibus magis fuerit. Sicut & febricitantes interdum animalia vident in parietibus, à modicâ similitudine linearum compositarum. Et huiusmodi apparentie aliquando ita intenduntur, vt si quis vehementer non laborat, facile aduertat quod sunt false: si vero passio fit nior, omnino decipiatur, & ad illa cetsam moueatur.* Ita Aristoteles. Non poterat festiuus exponi hæc

hæc materia; neque scrupulosi timoris, omnia præter verum significantis & exaggraventis natura, elegantius explicari. Timent omnia, etiam peccatorum simulacra; & sic sibi fingunt omnia quæ terrorem faciunt. Si prima tantum sese obiciant sceleris, ut sic dicam, linamenta; illicò sibi scelus effingunt & quidem terrificum, ac longè maximum. Omnia phantasmatæ & motus primi, deliberati ipsis consensu sunt; nusquam non occurunt animo, infestus judex, & sceleribus tantis debita tormenta. Sic sibi infernum mente fabricant, & ex timore falso, veros sibi & immobiles dolores faciunt. Atque hæc quidem omnia ex phlegmaticâ cerebri compactione ducunt exordium. Vaporibus enim distortur species, quas timor ipse subministrat, exagitat, atque ita peruertit, ut verum inter & falsum quid intersit, nequeant discernere; neque motus primos à deliberatis, neque desideria à peccatorum representationibus, neque voluntate in denique ipsam à phantasmatis judicando queant separare.

23. Hinc fit *Primi*, vt in morbis, crescant anxietates & scrupuli. *Egri & Augentur enim aut certè aggritudinis acrimoniam mouentur vapores, & conglomerantur in vortices; & rursus morbi præsentia acuitur ingenitus timor.* *Secundi*, corporis compactionem si spes semiñæ, distortis hisce phantasmatis plurimum obnoxiae sunt semiñæ, atque adeò & scrupulis. Cum enim tota ipsis cerebri corporis que tempes phlegmatica sit admodum, quæque in pituitam prorsus degeneret, facile dum ad phantasiam rerum obiectarum simulacra penetrant, insciuntur species vapore lurido, & distortur. Et rursus quia timidæ, ipsas timoris caussas in immensum augent: tantosque sibi angores faciunt, ut non tantum vera à falsis non discernant, sed ne quidem satis ipsis persæpe constet, an vigilent an verò somnient; id est, an res ipsas persentiscant, an deprauata fictaque ab intemperato cerebro rerum simulacra.

24. *Tertiò tandem patet, cur phlegmaticorum scrupuli, variis plerumque sint, desultorii, quique per omnia facile vagentur scelera, neque unius materia nisi paucò tempore, & per intervalla pertinaciter adhærent. Aqueis enim corpusculis impressa cùm sint quæ metum faciunt simulacula, facile etiam disfluent; præsertim alio subeunte ex alio.* Et rursus etiam quia naturæ sunt timidi, nulla prorsus est materia, ex quâ sibi quæ horro-

E e rem



tem incutiant, quantumuis fanaticum, non effingantur. Atque hæc secunda est scrupulorum causa, & quæ latissimè per vagatur.

*Tertiaen-
sa interna
scrupulorum,
peculiaris
cerebri, aus-
tosius, aut
aliqua in
parte in-
temperies.*

25.

Tertia denique scrupulorum causa, non tam ab humorum toto corpore diffusâ intemperie, quam ab ipsis cerebri lâsione particulari est perenda. Sicut experientia satis constat, aut morbo aut etiam vulneris violentiâ, nonnumquam ita disturbari cerebrum, & enervari, ut non satis sese, ad percipiendas quæ per sensus allabuntur res, queat explicare: vnde mens ipsa ita destituitur, vt nihil ratione bonâ statuat, aut dijudicet. Ita & attentione nimiâ, dum ad res sacras, diuinorumque contemplationem animus applicatur; aut etiam dum nimiâ abstinentiâ corpori humor, cerebro autem subtrahuntur spiritus; dissoluitur organi symmetria, neque sibi, judiciisque formandis satis sufficit enervatus ahimus. Hinc phantasmatis aguntur omnia: & quidem malè cohærentibus, & in ridiculum consarcinatis modum.

*Hac autem
se p. est à
nimiâ at-
tentione,
aut absti-
mencia.*

26.

*Multe ex
biu in uno
tumtu
scrupuli ge-
nere infâ-
niuntur.*

Rursus id euenit sæpiissimè, ut quibus sic ceritum est caput & nonnisi helleborò curabile, uno tantum dementiæ laborent genere. Regem sese esse sibi singit unus, & nil nisi regiam spirat maiestatem, quod regis nescio cuius fanaticum simulacrum ad valvas imaginatricis cellulæ, pertinaci visco impressum, disertèque expressum adhæreat, totamque in se imaginatiæ potentia trahat aciem. Hinc nil nisi regem spirat, nil nisi sceptrum loquitur & coronas; nihil enim nisi quod regium est, imaginationi obiicitur. Et quia phantasmati tantum regitur dementis animus, hinc nihil nisi regem aut agit aut sonat. Non aliter in quibusdam agitur, quibus attentione nimiâ, aut studio, aut abstinentiâ contractum est aut lâsum cerebri organum. Sæpe non nisi uno scrupuli genere laborant, sed acer admodum & tenaci. Nonnullos quæ Fidei mysteria concernunt; alios quæ iustiam spectant; hos quæ Confessionem, illos quæ Communio- nis sanctitatem reuerentian quæ debitam concernunt, vrunt acerrimè; ea pene semper oboluuntur animo, stultissimisque irretiunt modis. Hic hæret ipsis aqua & judicium; ad cætera tamen dijudicanda satis expediti. Quid dicam ut ab his me expediam, nec tamen malâ gratiâ? Sanè aut in vnâ capitâ parte non satis sibi constare quod lâsum est cerebrum, omnino di-

*Vnae hoc
fiat expo-
nitur.*

cendum est: aut certè, dum varia timore concitante, pér phantasiæ cellulas & cerebri ventriculos discurrent peccatorum simulacra & phantasmatæ, vnum fortuitò casu, validius in cerebri substantiam impegitte, & viscoso melancolicoque humoris impactum inhæsisse, ibique cæteris phantasmatis diffugientibus fixisse sedem: isthic ab imaginatiâ virtute semper conspicere, inde que fieri, vt mens ad idem, quod sibi semper præsens est, peccati trepidet simulacrum; aut etiam ad alia, quæ tamen huic quod fantasiam primò lassit, sunt similia eiusdemque generis. Hinc fit ut qui semel in restitutione faciendâ aut factâ, à scrupulis ingenitem passus est cerebri labem, eandem etiam passurus sit in omnibus quæ restitutionis materiam spectant. Accurrunt enim illico species eiusdem genii & generis, cùm vnicum sibi simile fantasie dominari persentiscunt, totumque exinde ambiant cerebri dominatum.

*Qui uno
scrupulo
laborat, il-
lico labora-
bit infinitas
eiusdem
speciei.*

27. Atque hæ fere sunt, quæ ex ipsâ corporis compactione & internâ cerebri compositione existunt scrupulorum caussæ, aut si ita vis scrupulorum potius fomenta. Fateor quidem inter alias huius morbi caussas, ignorantiam à Theologis quibusdam annumerari. Verum qui ex inscitiâ oriuntur, propriè dicti non sunt scrupuli. Errores sunt, & scrupuli dicuntur, sed impropriæ nos autem de meritis scrupulis nunc agimus. De erroribus enim Tractatu 3. actum est satis. Errores autem si fuerint quibus laboratur, facile eos erit deponere, cum de rei veritate patientur sese modestè instrui. Id autem facile patientur, si phantasmatis non agantur. His autem si inhærent præfæctæ, et iam postquam errorem dedocti fuerint, tum vero fateor insciam & errorem, in scrupulos degenerasse; neque eos posthac ignorantiam, sed veris scrupulis laborare.

*Aliquando
ignorantia
degenerat
in scrupu-
lo.*

§. III. Sæpius vero se dicit, non nisi
mutuum. *Proponuntur caussæ externæ scrupulorum.*

28. PRæter has quas exposui scrupulorum scaturigines naturæ insitas, fateor nonnullas esse extrinsecus aduenientes caussas, per quas aut seminantur scrupuli, aut si quæ forte animo insper-

*Causæ ex-
ternæ scri-
pulorum.*

